



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1678

Iudicium duodecim Magistrorum in theologia & in Decretis de iisdem
articulis.

urn:nbn:de:hbz:466:1-14688

*In codice veteri hæc quæ sequuntur adjecta
erant post iudicium Magistrorum
suprà descriptum.*

Vide supra
pag. 206. &
infra pag.
294.

QUÆRITUR utrum isti articuli infra scripti & quilibet eorum sint hæretici iudicandi.

Primus est dicere & asserere pertinaciter quòd non est obediendum alicui Prælato præcipienti quibusdam professoribus regulæ ordinis beati Francisci quòd deponant quosdam habitus curtos & strictos difformes ab habitu communitatis aliorum dictæ regulæ professorum, quos assumpserunt per se ipsos, & quòd nullus mortalium eos potest cogere ad ipsos habitus dimittendos, ex eo quòd illud quod est contra observantiam præfatæ regulæ beati Francisci & ejus intelligentiam est per consequens contra evangelium & fidem, & è converso, aliàs ipsa non esset penitens pro regula evangelica. Sed tales habitus impugnare & eos ad deponendum cogere est contra veritatem dictæ regulæ, & per consequens contra evangelium & fidem, & est verbo & facto Christi evangelium & ejus regulam impugnare, & quòd hoc sequeretur destructio vitæ Christi, & est Christum de synagoga ejicere, & quòd illi qui procedunt contra fratres portantes dictos habitus curtos & strictos sunt in errore contra veritatem evangelicæ regulæ, & per consequens contra veritatem evangelii & fidei.

Secundus aggravans & consentiens ad primum est quòd Dominus Papa non habuit nec habet quandam potestatem nec auctoritatem faciendi constitutionem quam de consilio Cardinalium fecit, quæ incipit. *Quorundam*, in qua prælatorum dicti

ordinis iudicio commisit determinare & arbitrari
cujus longitudinis & latitudinis, formæ sive figuræ,
& similibus accidentium debeant esse habitus pro-
fessorum dictæ regulæ, & cujus quantæque vilitatis
vestimentis indui ipsos fratres oportet, ac insuper
determinare, arbitrari, & præcipere quo casu, qua-
liter, ubi, & quando, & quotiens granum, panem,
& vinum pro vitæ fratrum necessariis fratres ipsi
querere debeant, conservare, sive reponere; & di-
strictè præcipiendo mandavit quòd in prædictis &
his similibus eorundem prælatorum arbitrium, de-
terminationem, sive iudicium sequi illisque parere
per omnia teneantur; & in virtute obedientiæ & sub
excommunicationis pœna mandavit quòd dicti fra-
tres, qui dictos habitus curtos & strictos assumpse-
rant, ad mandatum generalis Ministri dicti ordinis
deponerent, & aliis secundùm ipsius generalis Mi-
nistri arbitrium sive iudicium induerentur, ipsique
generali in omnibus istis & aliis per omnia secun-
dùm beati Francisci regulam & declarationes editas
super ea & ad prædictam ordinationem humiliter
obedirent.

Tertius. Item quòd nec Papæ nec prælatis dicti
ordinis obediendum est in his quæ in præfata consti-
tutione continentur, ex eo quòd prædicta in dicta
constitutione contenta sunt contra consilium Chri-
sti & dictam regulam, contra quæ Papa non po-
test.

Ad quæ dicendum est quòd prædicti articuli &
quilibet eorum sunt hæretici manifestè, cum repug-
nent veritati evangelicæ & auctoritati & potestati
Papæ & Ecclesiæ, & maximè impingunt in illum
articulum, *sanctam Ecclesiam, sanctorum communio-
nem*, cum devient à fide quam communiter docet
& tenet universalis Ecclesia, & falsam & novam
opinionem inducunt in ipsa fide.

I. Ego frater Vitalis Tituli sancti Martini in montibus Presbyter Cardinalis & sacrae theologiae Doctor iudico & assero omnes supradictos articulos & quemlibet eorum esse haereticos & damnatas haereses continere. In cuius rei testimonium manu propria subscripsi, & sigillum meum feci appendi.

II. Et ego frater Berengarius de Landorra electus Compostellanus, licet indignus, dico & credo supradictos articulos & quemlibet eorum esse haereticos & damnatas haereses continere, & subscribens sigillum meum apposui.

III. Ego frater Guillelmus de Lauduno ordinis fratrum Praedicatorum, sacrae theologiae Magister, & Lector sacri palatii, licet indignus, assero dictos articulos & quemlibet eorum esse haereticos, iudico & affirmo. In cuius rei testimonium manu propria me hic subscripsi, & sigillum meum praesentibus feci appendi.

IIII. Ego frater Deodarus Castrensis Episcopus, sacrae theologiae professor, idem dico quod frater Guillelmus de Lauduno immediatè praescriptus. In cuius rei testimonium facio sigillum meum praesentibus appendi.

V. Ego frater Raymundus Episcopus sancti Flori & Decretorum Doctor credo & dico suprascriptos articulos & eorum quemlibet esse haereticos, & pertinaces assertores eorum fore sicut haereticos condemnandos. In cuius rei testimonium sigillum meum feci praesenti scripturae appendi, & eidem subscripsi.

VI. Ego frater Guido Terreni ordinis fratrum beatae Mariae de Carmelo, sacrae theologiae Doctor, considerans declarationem & praecipuum Domini Papae quod fratres Minores debeant suis superioribus, immo sibi & suis statutis super hoc obedire, cum non declaraverit nec praeeperit nisi licitum, &

oppositum, scilicet non obedire, illicitum, dicere autem illicitum, scilicet non obedire, esse licitum, est hæreticum. quod dicunt prædicti articuli, & eorum quilibet. Ideo judico prædictos articulos & eorum quemlibet esse hæreticos. In cujus rei testimonium manu propria hic subscripsi, & sigillum proprium feci præsentibus appendi.

VII. Ego frater Henricus Episcopus Lucanus, in sacra pagina Bacallarius, credo & affirmo prædicta & prædictos articulos & quemlibet eorum, prout superius expressi sunt, esse hæreticos, Ecclesiam Romanam limitantes & destruentes, & falsa & nova contra eam & ejus plenitudinem de novo inducentes. In cujus rei testimonium me subscripsi manu propria, & sigillum meum feci præsentibus appendi.

VIII. Ego frater Michaël de Casena ordinis Minorum, sacrae theologiae professor, judico & assero prædictos articulos & quemlibet eorum esse hæreticos. In cujus rei testimonium manu propria hic subscripsi, & præsentibus sigillum meum proprium feci appendi.

IX. Ego frater Arnaldus Royardi sacrae theologiae Magister prædictos articulos & quemlibet eorum judico & assero hæreticos esse, tamquam falsos, & novos in fide catholica, & veritati evangelicæ adversantes. In cujus rei testimonium sigillum meum præsentibus feci appendi, & manu mea subscripsi.

X. Ego frater Durandus Episcopus Aniciensis & Doctor sacrae theologiae judico omnes superscriptos articulos & quemlibet eorum esse hæreticos. In cujus rei testimonium me manu propria subscripsi, & sigillum meum feci apponi.

XI. Et Ego frater Laurentius sacrae theologiae professor prædictos articulos, cum impingant in

auctoritatem sanctæ Romanæ Ecclesiæ, quæ immèdiatè à Christo fundata est, & in potestatem summi Pontificis, & quemlibet eorum esse hæreticos, In cuius rei testimonium sigillum meum apposui, & manu mea propria subscripsi.

XII. Ego frater Iacobus Abbas Pontiniaci, sacre theologiæ professor, dico & assero prædictos articulos, prout proponuntur, esse falsos, improbables, & superstitiosos, & contradicentes vitæ Christi & evangelicæ veritati, ac auctoritati, unitati, ac plenitudini potestatis summi Pontificis, à quo statuta quæcunque regularia suam trahunt roboris firmitatem, & per consequens dictos articulos iudico esse hæreticos. In cuius rei testimonium manu mea hoc scripsi, & sigillum nostrum appendi feci.

XIII. Ego Raymundus Massiliensis Episcopus credo & dico suprascriptos articulos & quemlibet eorum esse hæreticos, & pertinaces assertores eorum fore sicut hæreticos condemnandos. In cuius rei testimonium præsentis scripturæ sigillum meum apposui, & subscripsi.

Vide supra
pag. 198.

PROPTER prædictos errores fuerunt quatuor fratres ordinis fratrum Minorum in Massilia per fratrem Michaëlem de ordine fratrum Minorum Inquisitorem hæreticæ pravitatis auctoritate apostolica deputatum, cui etiam Dominus Raymundus Massiliensis Episcopus commisit vices suas, iudicati tamquam hæretici, & relictæ curiæ & brachio seculari, & combusti sub anno Domini millesimo trecentesimo decimo octavo, tempore paschali, quia noluerunt dictos articulos seu errores abjurare, & nonnulli alii ejusdem ordinis, qui prædictos errores abjuraverunt, fuerunt ad pœnam carceris condemnati, ex quibus aliqui postmodum infra annum,